



## **KOMUNIKADO PA PRENSA**

*Fecha*

19 di febrüari 2016

*Kolaboradó di Maneho*

Corinne Leysner

*Email*

[corinne.leysner@gobiernu.cw](mailto:corinne.leysner@gobiernu.cw)

### **JAN NOORDUYNWEG TAMBE TA HAÑA ROTÒNDE PA MEHORÁ TRÁFIKO**

Willemstad - For di dia 21 di febrüari próksimo ta bai hasi adaptashon na e ruta di tráfiko riba Jan Noorduynweg. Esaki ta nesesario pa trabounan di konstrukshon di un rotònde pa krea un mihó fluho di trabou i mihó aksesu na e areanan komersial na ámbos banda di e kaya. E rotònde ta forma parti di ekspanshon di e area komersial na Jan Noorduynweg, ku a kuminsá riba dia 25 di febrüari 2015. E proyekto akí ta kai bou di Servisio pa Atministrashon i Maneho di Tereno Públiko (Domeinbeheer), den kolaborashon ku Obranen Públiko (OW) i ku Planifikashon Urbano (ROP).

Dia 4 di febrüari ku a pasa, e kontratista CWM a hasi entrega di e infrastruktura nobo pa e area komersial na Jan Noorduynweg. Ku e proyekto akí, Gobièrnu ta tuma su responsabilidad den desaroyo di suficiente parsela komersial pa duna empuhe na empresarionan. Trabounan di traha riba e rotònde ta kuminsá riba djaluna 28 di febrüari próksimo. Medio yüli 2016 e rotònde, ku ta bini dilanti Cost-U-Less, mester ta kla. Ya kaba a kuminsá traha un entrada nobo pa por yega na e edifisio di Banco di Caribe. Ku esaki, e entrada bieu entre e edifisio di UTS i Botika Piscadera ta kaduká.

En konekshon ku e kambionan ariba menshoná i e trabou na e rotònde nobo, ta desviá tur trafiko riba Jan Noorduynweg. Esaki ta nifiká ku e ruta pa yega na negoshinan situa den Mundial Shopping Center, Cost-U-Less, Esperamos supermarket i Ford Prestige, tambe ta kambia, manera ta visibel riba e pinturanan ku ta musta e situashon na Jan Noorduynweg. Domeinbeheer, na nòmber di Gobièrnu di Kòrsou, ta pidi komunidad di Kòrsou pa tene cuenta ku adaptashonnan di tráfiko i kambionan ku ta tuma lugá riba Jan Noorduynweg.